

不空羂索神變真言經卷第二十一 得一

唐南天竺三藏法師菩提流志奉 詔譯

如意阿伽陀藥品第四十五

世尊復有不空王神通解脫心陀羅尼真言

曼拏羅三昧耶如意摩尼阿伽陀藥成就三

昧耶所修諸法皆不空過能治蠱毒藥毒蟲

得一  
毒種種病苦王難賊難虎狼等難水火刀杖  
皆不相害人民致敬怨敵諍論而皆得勝壽  
命長遠無諸中天大梵天帝釋天那羅延天  
大自在天四天王天一切天龍八部眷屬常

皆擁護一切諸佛觀察加祐一切罪障灾怪  
惡夢種種疫病皆令除滅藥住方處一踰膳  
那成大界護所有諸魔毗那夜迦種種鬼神  
悉皆馳散觀世音菩薩加被進給不空悉地  
佩是藥者一切鬼神魔衆人等皆不能害成

此藥者應常清淨如法受持神通解脫心陀  
羅尼真言壇印三昧耶乃得盡斯贍部洲壽  
財寶豐盈人所相敬歡喜置信衆所稱譽而  
說頌曰

白栴檀香多誠羅 塞畢牒迦青木香

翳羅婆魯丁香皮 樹上癬皮甘松香

惹麼迦藥翳羅藥

白香附子茅香根

青優鉢羅華胡椒

畢剎陽愚蓮華鬚

形俱鉢怛囉草芨

播哩闊羅縛乾薑

夜合華等量都等

精潔擇治和合治

奮怒王真言加持 龍腦麝香量都數

二十一中等四分 奮怒王真言加持

加持雨水和合治 以心真言撲丸藥

丸如酸棗銀合盛 合是藥時閑淨處

白月八日淨治地 作四肘壇開四門

標幟寶界當中畫一百八葉寶蓮華  
臺上二手腕相著 碩開十指如開蓮  
繞手指上火光焰 一一葉上金剛杵  
火光焰周圍繞 四面模畫開蓮華  
臺上置諸器杖印 得一 印印上出火光焰  
四門蓮臺如意珠 腕索印相遍圍繞  
四角蓮臺如意瓶 口出妙好枝華葉  
金剛杵頭瓶中出 置不空王觀世音  
一切旛華闊伽瓶 香水香華三白食  
塗香末香酥油燈 如法敷設獻供養  
白栴檀香沉水香 長時燒焯獻一切  
大蓮華臺手印上 置於藥合便加持  
作斯法者淨沐浴 加以塗香瑩嚴體  
著淨衣服食白食 於諸有情發悲心  
東門燒香觀致禮 召請結界并讚歎

懺悔發願端趺坐 每時輪印勤加護  
誦念神通解脫心 陀羅真言心真言  
加持藥上二七遍 奮怒王真言七遍  
晝夜六時法不間 依法式持儀必已  
觀世音像并藥上 一時放光悉明徹

是即成就無勝寶 其藥壇內便陰乾  
世尊如是得斯相已佩茲藥者則得解除十  
惡五逆一切災障得大善根福蘊增長一切  
如來加祐擁護一切菩薩摩訶薩觀視讚歎  
一切種族真言仙同共頂禮一切天龍皆  
得一 同護持是藥能攝如是福者皆由不空王觀  
世音菩薩神通威力通化如是又證一切如  
來陀羅尼真言壇印三昧耶當爲六十二碗  
伽沙俱胝那庾多百千如來應正等覺之所  
灌頂此藥名大無勝寶阿伽陀首所有諸法

悉無過者亦如觀世音而祐護故其佩藥人常淨澡浴著淨衣服心所願法皆悉圓滿若常晨朝誦神通解脫心陀羅尼真言加持此藥而服餌者得身意語智慧清淨證持一切不空如來祕密種族陀羅尼真言壇印大三昧耶觀世音菩薩大幻化三昧耶壽命無天當證不空大真言仙髮變如螺身膚光潔如盛年者壽延十劫若藥塗身鬼神見者身分墨裂怖散馳走百踰膳那復得除滅無間重罪一切惡夢種種災橫國王大臣百官僚佐大婆羅門一切人民見皆歡喜致敬供養若患毒藥毒蟲蟲毒一切風疥濕癬惡瘡疔腫癩疾癩病瘧病之者以藥塗服皆得除差亦復不爲一切鬼神水火虎狼種種灾橫互相燒害若常清淨如法護持以藥塗服所作諸

法皆得願成復有不空王神通解脫心陀羅尼真言蓮華觀曼拏羅三昧耶阿伽陀藥三昧耶是諸如來毗盧遮那如來世間自在光如來摩訶摩尼悉地之藥是九十九碗伽沙俱胝那庾多百千如來同共讚說觀世音菩薩而常頂戴又是阿彌陀如來摩訶寶幢悉地三昧耶又是一切如來祕密會通心陀羅尼真言壇印三昧耶佩戴藥者當得三世碗伽沙俱胝那庾多百千如來受記福蘊除滅十惡五逆四重等罪種種灾疫當得證住十不動地當如佩佛舍利制多當如觀世音手摩其頭滅諸憂愁八難大怖當於淨土蓮華化生次得轉生愛樂世界常得覩見不動如來福如須彌智慧如海諸惡障礙毗那夜迦懼不親近世間人民致敬愛樂一切諸天四

天王衆樂爲擁護寢常夢見補陀洛山七寶  
宮殿觀世音菩薩演此不空王心陀羅尼真  
言解脫蓮華曼拏羅印三昧耶一切會衆是  
故智者常應如法戴佩是藥則身不爲毒藥  
毒蟲之所損害軍陣鬪諍一切言論人皆和  
伏而說頌曰

以紅蓮華沉水香 優鉢羅華夜合華  
白栴檀香牛膝根 娜弭嚙藥茅香根  
上腋迄囉娜佞性藥 上迦娜迄叵羅藥  
上栴檀娜叵羅藥 蓮荷子瓢樹上麝  
曼爾瑟詫素迦哩 沐迦胝藥惹耶藥  
弭惹耶藥米娜藥 上播哩閑擺縛藥  
乾馱囉娑香弭囉 惹莫迦香小甲香  
多誠囉香姥娑藥 阿靺禪迦青木香  
上零陵香丁香皮 迦鹹皤羅白芥子

畢哩陽愚畢栗迦 得一醫囉麝香鬱金香  
竹黃雄黃甘松香 薩跋訖使白胡椒  
上龍腦香龍華鬚 譽葡萄華茴香子  
精潔擇治壇內合 如是藥量數等分  
以白栴檀濃香水 真言加持和合治  
鍊治金粉十二分 重復加持杵千杵  
盛銀合中帛覆上 盛以神通解脫心  
當以神通解脫心 陀羅真言心真言  
加持其藥百八遍 奮怒王心真密言  
加持其藥三七遍 又復加持白芥子  
并加持水灑藥上 白月一日閑靜處  
淨治五肘壇地量 端界階道爲二院  
內院當總畫海水 中置七寶開蓮華

臺出二手腕相著 捧如意珠繞光焰  
四面當置敷蓮華 臺出觀音頭冠髻  
面熙三目繞光焰 四角模畫開蓮華  
一一臺上依法置 羯磨金剛杵印相  
并置七寶胥索印 一一印上繞光焰

外院四面周而置 開敷蓮華具鬚藥  
上有如意寶珠印 繞出珠光火焰光  
東門臺置蓮華蔓 南門臺置胥索印  
西門臺置金剛杵 北門臺置三叉戟  
四角臺上出二手 捧大寶珠繞火焰  
建金剛杵寶界道 置不空王觀世音  
旛華莊嚴嚴界護 藥器置蓮當像前  
當誦神通解脫心 陀羅真言心真言  
奮怒王心真密言 加持護藥光藥威  
重復加持白芥子 并加持水護藥上

一切果子三白食 香華香水酥油燈  
得一如法敷獻依時節 白栴檀香沉水香  
燒焯供養諸賢聖 真言者常出入浴  
著淨衣服食白食 每時壇東如法坐  
誦持神通解脫心 陀羅真言心真言  
奮怒王心真密言 加持藥中放大光  
真言者見光現時 當以右手執藥器  
高聲迅誦心真言 一千八遍而便證  
不空清淨神通變 廣大莊嚴三昧王  
俱胝百千真言仙 一時致敬侍圍繞  
遊徃一切刹土中 種種神龍宮殿住  
證解一切如來佛 種族印相三昧耶  
常得禮事諸如來 合掌敬禮而問道  
聽誦不空胥索心 王陀羅尼三昧耶  
而便增踰世間壽 住七十二百千劫

遊行常得不空王 神通解脫寶蓮引

念念證諸陀羅尼 種種果地三昧耶

世尊此藥神通等於如來出世成就世間之  
法其藥置壇護佑陰乾若有佩者如佩諸佛  
舍利制多亦如觀世音親守護持滅諸重障

得一  
當捨命後往於淨土住不退地蓮華化生以  
斯三昧持真言者應常正見精進盡捨內身  
頭目手足骨肉筋髓施上和尚闍黎求覓此  
法專勤修行何況外財種種珍寶縠帛衣服  
卧具湯藥爲此不空王神通解脫心陀羅尼

真言壇印三昧耶而不捨之常依師所求修  
學耶何以故此經能與末世一切有情作大  
佛事示行正業精進解脫三昧耶道捨是身  
後更不漂淪三界滛海直至無上正等菩提  
無垢光神通解脫壇三昧耶像品第四十六

之一

世尊復有不空王神通解脫心陀羅尼真言  
曼拏羅印三昧耶令修治者今身後身得大  
安樂十惡五逆四重之罪自然消滅關閉一  
切三惡趣門開現十方一切天門諸佛刹門  
見一切佛爲諸如來觀察憶念觀世音菩薩  
亦樂觀見若有見聞隨喜之者當生淨土得  
阿鞞跋致見阿彌陀佛其壇六肘淨治塗地  
規郭界院開廓四門內院當心四面四角開  
敷蓮華其心臺上骨索手印寶劍莊嚴一一  
葉上三股金剛杵印如意珠印四面臺上七  
寶冠印四角臺上金剛杵輪印次院四面開  
敷蓮華臺上劍印槊印金剛箭印三叉戟印  
寶幢印金剛杵印羯磨金剛杵印三角金剛  
杵印輪印螺印棒印錐印骨索印鉞斧印二

手棒華印寶瓶印蓮華曼印優鉢羅華髮印  
雜華髮印寶蓮華印優鉢羅華印繞上光焰  
次院四面除門除角開敷蓮華臺上寶鏡印  
龍索印鞞體索印日天印月天印日幢印傘  
蓋印寶杖印焰魔王棒印數珠印期剋印毗

日稟幡印安慰手印無畏手印與願手印合

掌印持梵甲印錫杖印寶鉢印寶冠印摩尼  
珠索印如意珠索樹印七寶器印光聚印金  
剛鉞斧印五股金剛杵印不空王鉤印轉法  
輪印其手腕指寶珠環釧而莊嚴之四角蘇  
彌盧山山上種種寶華果樹下大海水四門  
海水中摩竭大魚頭印是諸印上繞上火焰  
種種莊嚴衆相具足其院之地青色寶地內  
外院界金剛標道此曼拏羅三昧耶壁上板  
上疊絹布上圖彩亦得令諸有情若見若聞

若入壇者則得滅諸宿障重罪當超生死無  
明苦海蓮華化生見諸如來更不復受胎卵  
濕化一切之身獲得一切曼拏羅相應之法  
若有常能修治此曼拏羅三昧耶者當速陞  
證不退轉地獲得諸佛如來之智又當三世

諸佛之所種諸善根今生後生大得福蘊  
諸華香爐闕伽香水飲食華果乳酪酥蜜諸雜  
華鬘酥燈油燈如法獻供沉水香白梅檀香  
蘇合香安息香熏陸香娑婆羅枳香畢囉迦香  
羅娑香白膠香龍腦香塗散丸燒而供養之

入壇門立三昧加持散華墮處歸事供養作  
是法時淨浴身服食三白食其諸法者亦復  
如是如餘灌頂曼拏羅法修行讚歎受三昧  
耶入此壇者等入一切毗盧遮那如來曼拏  
羅三昧耶得諸如來甘露之法灌頂受記爲

諸如來神通威德加被觀察證得毗盧遮那如來種族真言壇印三昧耶相應又當於十九瓈伽沙俱胝那庾多百千諸如來所種植無量功德善根相應之法若命終後蓮華受生衆相圓滿身有光明壽命無量百千數劫證得一切不空無垢光明神通示現功德莊嚴三摩地由此三摩地能示種種神變幻化力三昧耶一切如來種族一切天神種族現前加被一切諸天龍神八部而祐護持一切諸佛菩薩壇神而祐護持耘除諸障爲衆人民恒樂供養恭敬讚歎

世尊復有不空王神通解脫心陀羅尼真言護摩曼拏羅三昧耶會通一切真實壇印三昧耶十方一切如來觀視歎祐神通擁護觀世音菩薩一切眷屬現前擁護爲成諸願其

壇四肘淨治塗地規郭界院開廊四門內院當心圓穿一肘護摩爐坑坑底泥捏八葉開蓮臺上鉢字四面四角八葉開蓮東北角臺蓮華鑿印東南角臺金剛杵印西南角臺三叉戟印西北角臺輪印四面臺如意瓶印口出蓮華莖葉蒲萄朵葉三股金剛杵頭外院東南角火天神繞身火焰手把火炬南門焰摩王棒印西南角兩刃伏突印西門胥索印西北角白色旛印北門毗沙門棒印東北角三叉戟印東門金剛杵印四門兩側劒印螺印輪印梨印是等印上繞上火焰四角置香水瓮口挿諸枝華葉箭旛香爐一切名香乳酪酥蜜種種果子三白飲食白芥子諸雜色華塗香末香如法敷獻持真言者淨浴身服食三白食杜仲木檣木構木端直斫截然火

若不具得隨取一木亦任作法以熏陸香白  
栴檀香白芥子粳米好酥時別西門敷白茅  
草依法而坐發四弘願依不空王觀世音相  
以一切法任持智印金剛身語心印入真言  
字轉輪攝觀世音相觀自在智平等輪光三  
昧耶誦念神通解脫心陀羅尼真言章句加  
持燒之午時夜時當誦種族通用真言加持  
燒之則得會通一切護摩曼拏羅三昧耶具  
足成法此護摩三昧耶於諸陀訥也娑仙婆  
私詫仙獨覺仙蘖伽仙密履歌塞捺色跋底  
仙大梵天那羅延天摩醯首羅天護摩成就  
曼拏羅三昧耶而最第一此護摩三昧耶等  
諸金剛菩薩護摩曼拏羅三昧耶一切如來  
而常加被若一七日晝夜三時燒獻供養則  
得五通神仙一切諸天悉皆雲集與願擁護

一切諸佛菩薩摩訶薩歡喜讚歎夢覺現前  
過現一切宿障重罪災疫怨敵盡皆除滅降  
伏一切藥叉羅刹毗那夜迦諸惡鬼神殃燒  
人者皆使除散咸伏歡喜合掌恭敬國土人  
民悉皆安樂五穀豐稔無諸灾疾一切火天  
夢覺出現爲滿諸願瞻視隨護一切天神日  
天月天星天焰摩王水天四天王天各及眷  
屬日夜擁護如是成就神通解脫心陀羅尼  
真言者淨浴身服白月十五日晝夜不食不  
語作法當取蓮華牛酥粳米每日三時加持  
護摩滿至七日則得成就縱造五逆無間重  
罪雖未懺悔亦得成就是真言者如是不應  
心生疑網若欲成就一切如來種族壇印三  
昧耶者檼木夜合木截之然火蓮華稻穀華  
白芥子牛酥每日三時加持護摩至滿七日

則得成就若有他賊侵亂國土淨浴身服以紫檀木鉛鑑然火白芥子安息香牛酥蜜酪加持護摩滿至七日彼諸兵衆惡心退散又以薩跋皮供養殘華白芥子鹽黑芥子油加持護摩彼等兵衆當爲風雹損害退散若乞雨者一日一夜不食不語淨浴身服以諸香華如法供養白芥子茴香子一日一夜加持護摩而不斷絕則降大雨若不雨者七日如是作法不間的降大雨遍贍部洲若霖雨者以此乞雨灰高處向雲加持散之一百八遍其雨即止若欲火天而現身者淨浴身服一日一夜不食不語以蘇曼那木齊截然火梗米石蜜沙糖胡椒薑芨每日三時加持護摩至滿七日火神爐中而自涌現口吐火焰白真言者今何所求我有甘露火焰光明今相

濟與此甘露光舍於暗中高聲稱鉢字則從口中出大火焰真言者受後當如願若欲觀世音菩薩而現身者以白栴檀木截十萬段牛酥每日六時如法護摩加持燒盡則得觀世音菩薩現身滿願若欲除滅一切病者稻穀大麥小麥白芥子大豆胡麻白穀加持護摩滿於七日即得除差若欲貴人相恭敬者白粳米牛酥加持護摩則當如願若欲一切人民喜者白芥子稻穀華牛酥加持護摩見者歡喜若欲調伏一切藥叉羅刹者白芥子安息香牛酥加持護摩則皆歸伏世尊復有不空王神通解脫心陀羅尼真言曼拏羅畫像成就三昧耶顯現成就種種諸相陞入諸法無量福蘊積集善根見諸如來觀世音菩薩種種變像悉地三昧耶當以白

毗或絹布上方量八肘當中畫不空王觀世音菩薩三十臂身真金色當中正面眉間一日三面熙怡首戴月冠冠有化佛右一手持胥索一手執蓮華一手把三叉戟一手持軍持左一手持如意珠一手把寶杖一手伸施無畏一手捻念珠二手當胥合掌被鹿皮衣頸白瓔珞寶瑞環釧種種天衣而莊彩之結跏趺坐衆寶蓮華師子之座左濕髮多菩薩微少低頭二手合掌半跏趺坐右多羅菩薩後大奮怒王三面四臂正中大面眉間一目三面瞋怒首戴月冠冠有化佛一手把胥索一手執劍一手把三叉戟一手持鉞斧半跏趺坐濕髮多菩薩後大真言明王三面二臂三面熙怡首戴月冠冠有化佛一手執蓮華

得一

十三

一手執如意珠半跏趺坐各以諸天羅縠衣服寶瓔珞瑞釧種種莊嚴身佩光焰坐蓮華座大真言明王座後度底使者次辯才天商主尼神阿掣跋摩神奮怒王座後一髻羅刹神施囉度底神苗稼天神地天神是等天神狀如天女半跏趺坐各以本服而莊嚴之皆執器仗不空王觀世音頭上毗盧遮那如來世間自在王如來釋迦牟尼如來結跏趺坐寶師子座佛右淨居天大梵天那羅延天大自在天毗沙門天持諸天華佛左帝釋天大自在天兜伊首羅天王摩醯首羅天王焰摩王持諸天華左右日天子月天子四面二十八宿星天四面周市置大月輪一一輪上金剛杵印金剛劍印如意珠印三叉戟印胥索印鉞斧印螺印輪印是等印上繞火光焰又四

面周市開敷蓮華臺上種種手印一一印上繞火光焰內一院界寶華鬘界次二院界金剛杵界火焰圍繞外三院界七寶街道當開四門內一院圓外二院方若有如法圖比曼拏羅像印三昧耶者則能除滅無始罪垢得一

十四

一切業障得陀羅尼真言速疾成就會通一切種族曼拏羅印三昧耶十方過現一切諸佛菩薩摩訶薩一切毗盧遮那如來加祐擁護此曼拏羅三昧耶此三昧耶是不空胥索真實祕密曼拏羅印三昧耶若有見聞隨喜之者當得解脫無始纏縛一切垢累證見九十九殑伽沙俱胝那庾多百千諸佛如來亦見一切毗盧遮那如來種族會通一切曼拏羅印三昧耶又見十方三世一切如來種族一切曼拏羅印三昧耶又見一切觀世音種族

一切曼拏羅印三昧耶又見一切金剛種族一切曼拏羅印三昧耶又見一切摩尼種族一切曼拏羅印三昧耶當知是人從此生際常得往於十方淨刹蓮華化生更不隨受三塗諸趣一切身故此壇印法於諸法中爲最

第一若有隨喜此三昧耶者則得最大無量福蘊資糧善根世尊復有不空王神通解脫心陀羅尼真言白栴檀香像成就三昧耶量十六指真言加持彫圖不空王觀世音菩薩三面四臂結跏趺坐正中大面眉間一目三

得一

十五

面面目慈悲熙怡首上各戴衆寶月冠冠有化佛左一手持胥索一手執開蓮華右一手把三股金剛杵一手申施無畏紜兩衆寶天諸衣服珠瓔璫種種莊嚴坐寶蓮華師子之座身佩光焰左栴檀香多羅菩薩坐蓮華

座右栴檀香濕廢多菩薩坐蓮華座天諸衣服寶瓔璫釧而彌飾之當如法以蓮華鬚泥白栴檀香泥摩飾其壇以白栴檀香泥鬱金香泥沉水香泥當中畫三十二葉開敷蓮華四面四維開敷蓮華白栴檀香泥爲臺爲葉鬱金香泥爲鬚爲藥沉水香泥爲其子實像置蓮臺前置闕伽散諸香華燒沉水香白栴檀香時真言者常淨潔浴著新淨衣以大慈悲增發種種菩提勝行每從白月一日食三白食至十五日一日不食不語勤固護持結界結印自護護他如法觀像面東趺坐以不空王觀世音相以一切法任持智印金剛身語心印入真言字輪輪攝觀世音相觀自在智平等輪光三昧耶誦持神通解脫心陀羅尼真言調調不絕祈求像動放大光明蓋照

壇上真言者上觀世音菩薩便現其前伸手摩頂高聲讚言善哉善哉善男子汝能修此廣大供養今所作者乃是一切如來種族會通一切甚深秘密曼拏羅印三昧耶顯現不空王神通解脫心陀羅尼真言之法得成就故汝何所求我爲滿足汝此生身則是佛刹所住生身更不墮墮胎卵濕生三惡趣門汝當生處是阿彌陀佛清淨報土蓮華化生常見諸佛證諸法忍壽命無量百千劫數直至阿耨多羅<sup>三藐</sup><sub>一</sub>三菩提不復退轉我常祐護

<sup>十六</sup>是時復以大奮怒王真言加持華冠自戴頭上即便迅誦大奮怒王真言一千八遍觀世音菩薩密祐神通入住身中則證神通遊往十方一切佛土得大無垢不空王神通解脫心陀羅尼真言曼拏羅印三昧耶最上成就

是時復以大奮怒王真言加持華冠自戴頭上即便迅誦大奮怒王真言一千八遍觀世音菩薩密祐神通入住身中則證神通遊往十方一切佛土得大無垢不空王神通解脫心陀羅尼真言曼拏羅印三昧耶最上成就

先世所造出佛身血破和合僧種種重罪我爲除滅得淳淨身滿所世間願法成就離諸障累捨身當證解脫光明清淨觀三摩地清淨無垢光明曼拏羅三摩地若有有情覩此人者亦得除諸垢障病惱若旃荼羅人作是法者於四七日淨治諸漏念治不懈乃得成就我爲現身住是人前謂爲現證無上諸願何況清淨具信根者可不就是淨信人但常靜念而不斷絕我數現身爲最成就若修行者受持是法不應生少疑惑之心世尊雖彼旃荼羅重罪有情縱一二祈三四五祈具作斯法精進修習不成就者由彼罪障我則不得爲現於身爲成就法何以故爲罪蓋故信力念力不堅淨故此輩由是乃至一生精修此法始獲罪滅於當來世必盡成就無上

正等菩提種子世尊或有苾芻苾芻尼族姓男族姓女雖持斯法多不持戒心常慳貪謔兩舌破僧破法言辭穢惡不中不正不知恩義譏說三寶不觀因緣貪諸財色不敬師受盜諸真言明印文字經典種種諸法心常猶豫惡心妬心毒心怠心我慢輕他常行倨傲貪盜財色不實尊敬三寶形相不實恭敬親教授和尚闍梨復不恭敬此部經典及餘經典世尊是輩有情邪心狠戾我實不得爲得成就爲現於身作大救護世尊此輩性甚嬪害惡慧滋盛無明堅綴我亦常被輕賤誹謗云擬出我肢體身血現在十方三世一切如來種族會通一切甚深祕密陀羅尼真言大曼拏羅印三昧耶亦皆毀謗慢譏過惡如斯極惡旃荼羅種晝夜如是不自思諭但

欲滅壞十方三世一切如來一切菩薩摩訶  
薩甚深祕密陀羅尼真言大曼拏羅印三昧  
耶何歎得成世尊如是苾芻苾芻尼族姓男  
族姓女是真大賊旃荼羅種言行威儀相雖  
是善內懷所業悉皆腐敗常於晝夜思行種  
種十不善業行無毫分正修治心世尊此輩  
大賊旃荼羅種如是毀謗譏非過惡真是滅  
壞十方刹土過現未來一切如來種族會通  
一切甚深祕密陀羅尼真言大曼拏羅印三  
昧耶當知此輩常爲十方三世一切如來一

摩訶薩祕密心陀羅尼真言大曼拏羅印三  
昧耶世尊是故顯說此等苾芻苾芻尼族姓  
男族姓女皆名大賊旃荼羅種此輩有情常  
爲一切毗那夜迦諸魔鬼神之所攝受於諸  
真言一切妙法而皆退失一切善根並已燒  
盡復爲一切陀羅尼真言明神曼拏羅神盡  
皆棄捨退失一切陀羅尼真言明出世世間  
三昧耶道如此等輩定是阿毗地獄住受無  
間劇苦之種世尊由是業因非於我過如此  
有情自己棄捨十方三世一切如來諸大菩  
薩一切種族壇印三昧耶自己棄捨十方三  
世一切金剛種族壇印三昧耶自己棄捨一  
切毘盧遮那如來種族祕密大壇印三昧耶  
蟬知此輩恒爲諸魔毗那夜迦藥叉羅刹一  
切鬼神種種業障之所攝受世尊如此有情  
言大曼拏羅印三昧耶復能滅壞一切菩薩

緣是業因非我過咎非我棄捨世尊是輩旃  
茶羅等業唯積畜貪瞋癡毒無明薪火焚燒  
一切祕密陀羅尼真言大曼拏羅印三昧耶  
種種善根復已焚燒一切如來種族壇印三  
昧耶諸行善根復已焚燒一切金剛種族壇  
印三昧耶諸行善根復已焚燒一切毗盧遮  
那如來種族祕密大壇印三昧耶諸行善根  
世尊是輩旃茶羅等現在未來曾無成就捨  
身當於十方無量微塵大劫大地獄中常受  
種種無間劇苦此輩旃茶羅人今世後世悉  
無安樂世尊是故智者欲求是真言不空胥  
索心王陀羅尼真言廣大解脫蓮華曼拏羅  
印三昧耶成就法者應於有情總敬謙下堅  
發大悲拔濟之心當住依持真實之心依止  
和尚闍梨瞻侍恭敬猶如如來及如我等踰

過父母授學一一陀羅尼真言曼拏羅印三  
昧耶文字章句勿忘差錯所有身分骨肉筋  
髓盡皆供施諮詢於法何況種種錢財衣服  
卧具房舍僕從飲食而不捨之爲法供養若  
能如是修習法者則爲常存供養於我此人  
一七二七三七乃至七七或復百日或復千  
日或復三四千日或復常事憶念我者我爲  
現身冥密示逐而祐護之世尊譬如大海每  
時潮時一時潮浪周至淵際我亦如是隨念  
隨至冥住現住看護是人復如油滴投滴水  
中隨滴散覆我亦如是隨念隨覆若諸有情  
正智清淨若在人中若在地獄常憶念我我  
則執持胥索勝鉤鉤挽脫出一切劇苦得至  
天宮或至佛刹證於無上正等菩提受諸快  
樂加與無量大精進力於所願求盡爲滿足

